

乾竭欲淤泥 亦竭于瞋癡 是名無上淨

正見正思惟 正語及正業 正命憑正志

正念及正定 如是婆羅門 是名清淨道

數數習正觀 數數修正定 增廣於正定

得斷於貪欲 亦斷瞋恚癡

婆羅門言汝說淨道已亦說無上清淨我今

家事所纏辟退還歸佛言婆羅門宜知是時

婆羅門聞佛所說歡喜作禮而去

第一阿修羅卑疑 二種瞋罵及反戾 婆私吒摩佉刹利 以是十種名為十

北末

別譯雜阿含經卷第四 息四

妃后上音非憚徒旦反敵徒的驍古堯反膽丁敢反彎

弓上音烏悍下音汗掉上音吊沾下音夾洽下音成魁上音烏臆

下音俱會反盈下音一溢下音一輔下音去相下音去裸上音郎形下音郎猥上音每多上音烏妨

弓稍下音朔擗上音角拒下音巨裸上音郎形下音郎猥上音每多上音烏妨

狎上音羊卒上音沒知上音鹿瑞上音當卑下音郎疑下音魚鎧上音愛苦

反音肥大上音非反音房喘上音頓息上音尺輕下音平便下音擊響上音秘勤上音

控苦貢反鋸音據餉詩尚反突上音徒邏下音郎骨反掬上音上

菊反炭下音帝濕反足下音徒跌下音徒道上音古禿上音屋頭上音屋

爆必角反必音角反音又足下音徒跌下音徒道上音古禿上音屋頭上音屋

狐疑胡上音胡豔音牒階音階

別譯雜阿含經初誦卷第五 息五

失譯

如是我聞一時佛在舍衛國祇樹給孤獨園 尔時有一婆羅門往詣佛所問訊佛已在於 佛前而說偈言

云何戒具足 威儀不闕減 修習何等業

成就何等法 而能得名為 三明婆羅門

尔時世尊說偈答曰

能知於宿命 見天及惡趣 盡於生死有

三通并三明 心得好解脫 斷欲及一切

成就上三明 我名為三明

時婆羅門聞佛所說踊躍歡喜退坐而去

如是我聞一時佛在舍衛國祇樹給孤獨園
 尔時世尊晨朝著衣持鉢阿難從佛向舍衛
 城時於糞聚窟中見夫妻二人年紀老大拄
 杖戰慄如老鸛雀佛遙見已告阿難言汝見
 夫妻二人極為老朽在糞窟不阿難白佛言
 唯然已見佛告阿難如斯老人若年少時在
 舍衛城中應為第一長者剃除鬚髮被服法
 衣應得羅漢若少年時聚積財錢應為第二
 長者若出家者剃除鬚髮被服法衣應得阿
 那舍若第三時聚集錢財應為第三長者剃
 除鬚髮被服法衣應得須陀洹如今老熟亦
 不能聚財不能精勤亦不得上人法

尔時世尊即說偈言

少不修梵行 亦不聚財寶 猶如老鸛雀
 棲止守空池 不修於梵行 壯不聚財寶
 念壯所好樂 住立如曲弓
 佛說是已諸比丘聞佛所說歡喜奉行
 如是我聞一時佛在舍衛國祇樹給孤獨園

尔時有一老婆羅門年耆根熟先於往日多
 造眾惡極為麁弊毀犯所禁不修福善不先
 作福臨終之時無所依止往詣佛所問訊佛
 已在一面坐而白佛言世尊我於往日多造
 眾惡極為麁弊毀犯所禁不能修福久不修
 善亦復不能先作福德臨終之時無所依止
 佛言實如汝語老婆羅門言善哉瞿曇當為
 我說使我長夜獲於安樂得義得利佛言實
 如汝說汝於往日身口意業不行於善毀犯
 禁戒不修福德不能先造臨命終時作所恃
 怙汝於今者實為衰老先造眾罪所作麁惡
 不造福業不修善行不能先造可畏之時所

息五

二

歸依處譬如有人將欲死時思願逃避入善
 舍宅以自救護如是之事都不可得是故今
 當身修善行口意亦然若三業善臨命終時
 即是舍宅可逃避處
 尔時世尊即說偈言
 人生壽命促 必將付於死 衰老之所侵

無有能救者 是以應畏死 唯有入佛法
若修善法者 是則歸依處

佛說是已第二經無差別應求歸依處大人
宜修善第三長行別偈則不同偈言

壯盛及衰老 三時皆過去 餘命既無幾
常為老所患 近到閻王際 婆羅門欲生

二間無住處 汝都無資糧 應作小明燈
依憑於精進 前除於諸使 不復生老死

如是我聞一時佛在舍衛國祇樹給孤獨園
尔時有一老婆羅門往至佛所問訊佛已在
一面坐白佛言世尊吾今朽邁往昔已來造
作眾惡未曾作福未更修善又所不行離於

怖畏救護之法善哉瞿曇為我說法使我命
終有所救護屋宅歸依逃避之處佛告婆羅
門世間熾然何謂熾然謂老病死以是之故
應身修善口意亦然汝都不修身口意善汝
今若能於身口意修於善者即是汝之船濟
乃至死時能為汝救護為汝屋宅為汝歸依

息五

三

逃避之處

尔時世尊即說偈言

譬如失火家 焚燒於屋宅 宜急出財寶

以置無火處 生老病死火 焚燒於眾生

可應修惠施 賑濟於貧窮 世間金寶等

王賊水火侵 死時悉捨離 無有隨人者

施逐人不捨 猶如堅牢藏 王賊及水火

無能侵奪者 慳貪不布施 是名常睡眠

修施濟匱乏 是名為覺悟

佛說是已諸比丘聞佛所說歡喜奉行

如是我聞一時佛在舍衛國祇樹給孤獨園
尔時烏答摩納往至佛所問訊佛已在一面

坐而作是言瞿曇我如法乞財供養父母又
以正理使得樂處正理供給得大福不佛言
如是供養實得大福佛言摩納不限汝也一
切如法乞財又以正理供養父母正理使樂
正理供給獲無量福何以故當知是人梵天
即在其家若正理供養父母是阿闍黎即在

其家若能正理供養父母正理得樂一切皆
 遙敬其家若能正理供養父母正理使樂正
 理供給當知大天即在其家若能正理供養
 父母正理與樂供給當知一切諸天即在其
 家何以故梵天王由正理供養父母故得生
 梵世若欲供養阿闍黎者供養父母即是阿
 闍黎若欲禮拜先應禮拜父母若欲事火先
 當供養父母若欲事天先當供養父母即是
 供養諸天

尔時世尊即說偈言

梵天及火神 阿闍黎諸天 若供養彼者
 應奉養二親 今世得名譽 來世生梵天

如是我聞一時佛在舍衛國祇樹給孤獨園
 尔時有一摩納名憂比伽往詣佛所誓首問
 訊在一面坐白佛言世尊婆羅門如法乞財
 聚設大祀教他設祀如是之祀為當作祀為
 當不作尔時世尊說偈答言

馬脂及人脂 牛脂并美食 吸風開祀門

息五

〇

此六名大祀	作業雖廣大	仙聖所毀咎
牂羊及殺羊	牛王諸小牛	一切殺生類
此不為正祀	如是是邪祀	衆聖所不過
若設正祀者	終不惱群生	不害有生命
設祀斷諸有	是名為正祀	若設如是祀
大仙必往彼	施及祀餘場	宜與彼應供
清淨心惠施	時施施何處	當施勝福田
云何勝福田	所謂修梵行	若能如是施
斯名廣大祀	設如是大祀	以如法聚財
淨水手自與	若能如是施	諸天生信敬
名為自他利	必獲大果報	如是設大祀
唯有智者能	能生於淨信	亦得心解脫
惱害不能加	得世間衆樂	得生於勝處
是名為智者	所設之大祀	

佛說是已憂比伽摩納聞佛所說歡喜而去
 如是我聞一時佛在舍衛國祇樹給孤獨園
 時有摩納名憂比伽往詣佛所誓首問訊在
 一面坐白佛言世尊婆羅門如法乞財聚斂

大祀教他設祀如是之祀為當作祀為當又
作介時世尊說偈答言

施設大祀具 不擾害群生 若能如是祀

所作皆清淨 是名祀深隱 梵行者所受

現於世間中 名聞極遠者 遠離於戰諍

如是祀可讚 諸佛所稱善 祀及祀及道

息五

五

以清淨惠施 宜施彼應供 施時施何處

斯名廣大祀 諸天所信敬 以如法聚財

淨水手自與 若能如是祀 名為自他利

必獲大果報 如是之大祀 唯有智者能

能生於淨信 亦得心解脫 惱害不能加

得世間最樂 得生於勝處 名為有智者

佛說是已憂比伽聞佛所說歡喜而去

如是我聞一時佛在舍衛國祇樹給孤獨園

介時有一摩納名曰佛移往詣佛所誓首問

訊在一面坐白佛言世尊為有幾法教在家

人處於家中得現報利并得利樂佛告摩納

有四法使在家人得現世報獲利益樂何謂

為四一能精勤二能守護諸根三得善知識

四正理養命云何精勤隨所作業家計資生

或為王臣或為農夫或復治生或復牧人隨

其所作不憚劬勞寒暑風雨飢渴飽滿蚊蚋

蠅蜂雖有勤苦不捨作業為成業故終不休

廢是名精勤云何名為守護諸根若族姓子

如法聚財設有方計不為王賊水火之所劫

奪怨憎之處悉不得侵不生惡子是名守護

云何名為近於善友若族姓子近於善友而

此善友資性賢良終不奸盜亦不放逸飲酒

醉亂吐出實言不為欺誑與如此人共為親

友未生憂惱能令不生已生憂惱能使除滅

未生喜樂能使得生已得喜樂能不失是

名善友云何名為正理養命若族姓子知其

財物量其多少節其時用入多於出莫苟輕

用譬如有人食憂曇菓初食之時樹上甚多

既食之已醉眠七日既醒悟已方覺失菓宜

處以理奢儉得中若有錢財不能衣食不能

惠施極自儉用衆人咸言如是之人死如狗
 死宜自壽量不奢不儉是名正理養命摩納
 復白佛言修何等法令在家人現受其利後
 世得福佛告摩納有四種法能獲福報何謂
 為四所謂信戒及施聞慧云何名戒能行不
 殺乃至不飲酒云何名施施沙門婆羅門師

息五

六

長父母貧窮之者乞與衣食牀敷卧具病瘦
 醫藥種種所須盡能惠與是名為施云何聞
 慧如實知苦知苦諦如實知集知集諦如實
 知道知道諦如實知滅知滅諦是名聞慧具
 足尔時世尊即說偈言

精心修事業 勤守護不失 親近於善友

能正理養命 信戒施聞慧 除斷於慳貪

若能如是者 速獲清淨道 如是八種法

能得現利喜 於未來之世 亦得天上樂

佛說是已佛移摩納聞佛所說歡喜奉行

如是我聞一時佛在彌締羅國菴婆羅園尔
 時婆私吒婆羅門女新喪第六子為喪子故

心意錯亂裸形狂走漸走不已至彌締羅菴
 婆羅園尔時世尊與無央數大衆圍遶說法
 時婆私吒婆羅門女遙見世尊還得本心慚
 愧躄地佛告阿難與其鬱多羅僧汝可將來
 我為說法阿難受勅即與鬱多羅僧婆私吒
 婆羅門女尋取衣著往詣佛所頭面禮足尔

時世尊為婆羅門女宣種種法示教利喜如
 昔諸佛為說法要施論戒論生天之論欲為
 不淨苦惱之本出要為樂

尔時世尊廣為說法知彼至心欲離蓋纏為
 說四諦苦集滅道此婆私吒女聰明解悟聞
 法能持譬如淨白蠶易受染色婆私吒女即

息五

七

於座上見四真諦見法到法知法度疑彼岸
 自己證知法不隨他教信不退轉於佛教法
 得無所畏即從座起合掌禮佛白佛言世尊
 我今已得度於三惡盡我形壽歸依三寶為
 優婆夷盡壽不殺清淨信向不盜不邪婬不
 妄語不飲酒亦復如是時彼婦女聞法歡喜

禮佛而去更於異時婆私吒喪第七子心不
愁憂亦不苦惱亦不追念躑躅形狂走尔時其
夫婆羅突羅闍說偈問言

汝昔喪子時 追念極荼毒 愁憶纏心情
彌時不飲食 今者第七子 遇患而命終
汝備為慈母 何故不哀念

時婆私吒即便說偈答其夫言

從無量劫來 受身無崖際 由於恩愛故
子孫不可計 處處皆受身 喪失亦非一
生死曠路中 受苦無窮已 我了於生死
往來之所趣 是故於今者 都無哀念情
其夫婆羅門復說偈言

如汝所說者 自昔未曾有 於誰得解悟

而能忘所憂

時婆私吒復以偈答

婆羅門當知 往日三佛陀 於彼跡締羅
菴婆羅園中 說斷一切苦 井與盡苦道
修八聖道分 安隱得涅槃

時婆羅門復說偈言

我今亦欲詣 菴婆羅園中 諮問彼世尊
除我念子苦

時婆私吒復說偈言

佛身真金色 圓光遍一尋 永斷眾煩惱
超度生死流 如是大導師 能調伏一切

眾生成蒙化 故号為真濟 汝今宜速往

詣彼世尊所

時婆羅門聞婦所說歡喜踊躍即時嚴駕詣
彼園中遙見世尊威光顯赫倍生恭敬到已
頂禮在一面坐尔時世尊以他心智觀察彼
心知其愆重即時為說苦集滅道及八正道
思五

如此等法能至涅槃

時婆羅門聞是法已悟四真諦已得見法尋
求出家佛即聽許既出家已修不放逸於三
夜中具得三明佛記彼人得阿羅漢是故更
名為善生也已得三明勅其御者婆羅提言
汝可乘於所駕寶車還歸於家語婆私吒汝

於我所可生隨喜所以者何佛今為我說四諦法又蒙出家獲於三明是故於我應生淨信時婆羅提乘車還家時婆私吒見車已還問御者言彼婆羅門見於佛不御者白言婆羅門即於座上見四真諦既見四諦求索出家佛聽出家得出家已於三夜中獲阿羅漢

尔時其婦語御者言汝今能傳是善消息當賜汝馬及千金錢御者白言我今不用馬及金錢我欲願往詣世尊所聽受妙法婆私吒言汝若如是實為甚善若汝出家速能獲得阿羅漢道婆私吒語其女言汝善持家受五欲樂我欲出家女孫隨利即白母言

我父尚能捨五欲樂出家求道我今亦當隨而出家離念兄弟眷戀之心如大象去小象亦隨我亦如是當隨出家執持瓦鉢而行乞食我能修於易養之法不作難養婆私吒言汝所欲者真為吉善所願必成我今觀汝不久必當得盡於欲離諸結使時婆羅門婆羅

息五

九

闍婆私吒并孫陀利悉共相隨俱時出家皆得盡於諸苦邊際

如是我聞一時佛在毗舍離國大林之中尔時如來著衣持鉢入城乞食食訖攝其衣鉢并復洗足坐一樹下住於天住時有一婆羅門名鬱漆羅突邏闍失產乳牛遍處推求經

於六日不知牛處次第求覓趣大林中遙見如來在樹下坐容貌殊特諸根寂定心意恬靜獲於最上調伏之意如似金樓威光赫然見是事已往詣佛所即於佛前而說偈言

云何比丘樂獨靜 如是思惟何所得
尔時世尊說偈答言

我於諸得失 都無有愁憂 汝莫謂於我
與汝等無異

時婆羅門復說偈言

此中真是梵住處 實如比丘之所說
我欲論於家中事 唯願少聽我所說
沙門汝今者 冥坐林樹間 亦無有失牛

六日之憂苦 當知此沙門 真為寂然樂
汝亦不種稻 何憂於灌漑 亦不憂稻穗
有出不出者 如是等眾苦 汝今久捨離
亦不種胡麻 又不恐荒穢 汝亦無如是
芸耨之苦惱 當知彼沙門 實為寂然樂
我室有草敷 敷來經七月 中有眾毒蟲

蠍螫生苦惱 汝無如是事 沙門為快樂
汝無有七子 懽悵難教授 舉貸負他債
汝無如是事 沙門為快樂 汝又無七女
或有產一子 或無有子者 喪夫來歸家
無有如是事 當知沙門樂 亦無諸債主
晨朝來至門 債索所負物 無有如是事

沙門為快樂 汝無有朽舍 適中諸空器
鼯鼠在中戲 振觸出音聲 擾亂廢我睡
通夕不得眠 汝無有惡婦 醜陋目黃睛
中夜強駢起 日夕常罵詈 或說家寒苦
或云負他債 沙門無此事 當知為快樂
余時世尊復說偈言

息五

十

婆羅門當知 汝言為至誠 無賊偷我牛
已經於六日 無有如斯事 真實為快樂
我實無稻田 而生乏水想 又不憂稻穗
有出不出者 我無如是苦 當知為快樂
我無胡麻田 生草而荒穢 我無如此事
真實為快樂 我實無草敷 經歷於七月

又無毒蟲出 蠍螫家眷苦 我無如此事
真實為快樂 我無有七子 懽悵而難教
各自作債負 為他所欺感 我又無七女
或產不產者 喪夫還歸家 我無如此苦
我亦無債主 晨朝來扣門 徵索所負物
又亦無朽舍 滿中諸空器 鼯鼠戲其中
振觸出音聲 擾亂廢我睡 竟宿不得眠
亦無有惡婦 黃眼而醜陋 中夜強駢起
日夕常罵詈 或說我家貧 或云負他債
都無如斯苦 真實為快樂 婆羅門當知
汝不斷愛憎 不得免是苦 斷欲離於愛
然後得快樂

尔時世尊為婆羅門種種說法示教利喜廣說如上乃至盡諸有結不受後有時尊者鬱漆羅爰羅闍得阿羅漢得解脫樂踊躍歡喜而說偈言

今我極喜樂 大仙所說法 聞法得解脫 都無諸取捨 不虛見世尊 遇佛獲道果

息五

十一

如是我聞一時佛在娑羅婆羅門聚落尔時世尊於其晨朝著衣持鉢欲入娑羅聚落乞食有非時雲起天降於雨如來避雨至彼聚落時聚落中婆羅門長者共集論處遇見佛來咸作是言剃髮道人知何等法佛聞其言即告之曰汝婆羅門有知法者不知法者刹

利居士亦復如是 尔時世尊說偈言 終不於親友 今其生屈伏 不應伏者伏 妻不求夫伏 王者亦不取 子應致敬養 不且生勃逆 父母衰老至 而無賢良人 無有善丈夫 無有眾聚處 而不法法語

斷於貪瞋癡 所說皆如法

時諸婆羅門言汝善知婆羅門法來入此眾即時敷座請佛就座為我說法我等樂聽尔時世尊入其眾中坐其座上為說種種法示教利喜而說偈言

若默無所說 莫知其愚智 要因於言說

然後乃別知 若說妙法者 說法趣涅槃

是以應言說 熾然於法燈 已立仙聖幢

皆由於言說 言說即聖幢 是以不應默

佛說是已從座而去

如是我聞一時佛遊拘薩羅尔時彼國有婆羅門名曰天敬其聚落中有止客舍尔時尊者優波摩那為佛侍者止客舍中如來于時微患風動苦於響脊尊者優波摩那著衣持鉢詣天敬婆羅門家尔時天敬在於門中剃鬚而坐彼婆羅門遙見尊者即說偈言 落髮服法衣 手中執應器 住立我門側 將欲何所求

時尊者優波摩那以偈答言

大羅漢善逝 牟尼患背痛 須少燻藥水

故來從汝乞

時婆羅門即取鉢盛滿酥油黑石蜜一籃燻

藥水一車而以與之亦時尊者既得之已賣

詣佛所即以此油并燻藥水洗塗佛身飲黑

息五

十二

蜜漿皆痛即愈時天敬婆羅門於後日朝往

詣佛所問訊世尊在一面坐

亦時世尊以偈問婆羅門言

云何婆羅門 行婆羅門法

何者是施時 於何福田中

時婆羅門復以偈答言

施何獲大果

獲得於勝報

有多教學者 多聞能揔持

顏容悉端嚴 如是等名為

若施如斯處 能獲大果報

是名勝福田

時婆羅門復以偈問佛

瞿曇說何種 名為婆羅門

云何為三明

施何得大果 何者是施時 云何勝福田

亦時世尊以偈答言

明知於三世 見人天惡趣 得盡于生死

并獲諸神通 心智得解脫 是謂為三明

施彼得大果 是名勝福田

時天敬婆羅門聞佛所說歡喜而去

如是我聞一時佛遊拘薩羅國夜止娑羅林

亦時有一婆羅門近林耕植由晨行田因到

佛所白佛言世尊我近林耕故樂此林汝今

亦樂此娑羅林將非此中而耕種耶時婆羅

門即說偈言

汝今欲種殖 而樂此林耶 無侶喜空寂

皇

十三

以此林樂耶

亦時世尊說偈答言

我於斯林中 都無有所作 拔斷其根本

一切盡枯摧 於林而無林 已得出於林

我永棄所樂 禪定斷染著

時婆羅門復說偈言

汝實名佛陀 於諸世間尊

善能滅諸結

離於諸畜積

世間之最上

盡後有邊際

汝傾欲華幢

故号為世尊

婆羅門說是偈已歡喜而去

如是我聞一時佛遊拘薩羅國在娑羅林時

有一婆羅門去林不遠五百摩納從其受學

時彼婆羅門每念世尊如來何時來遊此林

當往諮問釋我疑滯時婆羅門遣諸摩納詣

林採薪欲以祀火時諸摩納既至林已見於

如來在樹下坐端正殊特容貌和懌如真金

樓暉光赫然時諸摩納覩如來已尋負薪歸

白其師言和尚昔日每思見佛今者如來近

在此林若欲見者宜知是時時婆羅門聞是

語已即詣佛所問訊起居在一面坐即說偈言

深林極茂盛

其中甚可畏

何故獨宴坐

修禪無懼心

又無眾音聲

可以娛自身

云何樂閑居

實為未曾有

汝為求大梵

世界自在主

為求於帝釋

三十三天尊

何故樂獨處

可畏深林中

常修於苦行

將欲何所求

尔時世尊說偈答言

著有所欲者

多懷諸疑惑

於無數境界

各各生染著

一切諸結使

皆因無智起

我斷無智根

吐結欲泥乾

悉斷於志求

亦無諸諂曲

於諸善法中

證知得清淨

正智無上道

修禪離欲者

時婆羅門復說偈言

我今稽首禮

歸依牟尼尊

於諸禪自在

解悟無量覺

於人天中尊

具三十二相

端正無與等

猶彼雪山王

於林得解脫

而不著於林

清淨解脫者

無生拔毒箭

如來所說法

於諸論中上

言說最第一

人中師子吼

敷演四真諦

廣度於一切

自離於大苦

亦度諸群生

咸令得安樂

願為說此法

我今歸命禮

得度於彼岸

離諸怖畏者

善來至此林

今我得值遇

息五

十四

天人教導師 能除滅衆生 一切諸煩惱

尔時婆羅門說是偈已歡喜而去

如是我聞一時佛遊拘薩羅國尔時世尊止

於孫陀利河岸時彼岸側有住婆羅門往詣

佛所問訊已訖在一面坐即白佛言汝欲入

此河中浴耶佛問之曰入此河浴有何利益

婆羅門言今此河者古仙度處若入洗浴能

除衆惡清淨鮮潔名為大吉佛聞是已即說

偈言

非彼孫陀利 得聞及恒河 竭闍婆鉢提

入是諸河浴 終不能洗除 已作之惡業

大力鉢健提 并與愚下劣 設共於中洗

乃至百千年 終不能除惡 煩惱之垢穢

若人心真淨 具戒常布薩 能修淨業者

常得具足戒 不殺及不盜 不婬不妄語

能信罪福者 終不嫉於他 法水澡塵垢

宜於是處洗 雖於孫陀利 竭闍等諸河

此皆是世水 飲之及沐浴 不能除垢汗

息五

十五

并祛諸惡業 飲浴何用為 實語而調順

捨瞋不害物 此是真淨水 若入淨戒河

洗除衆塵勞 雖不除外穢 能祛於內垢

兇嶮殘害者 嬰愚造諸惡 如是等不淨

穢汙垢惡者 水正洗身垢 不能除此惡

時婆羅門聞佛所說讚言善哉誠如所言夫

洗浴者能除身垢為惡業者非洗能除

如是我聞一時佛遊拘薩羅孫陀利河岸尔

時世尊新剃鬚髮宿彼河岸後夜早起以衣

覆頭正身端坐繫念在前時彼河岸有祀火

婆羅門祀火之法餘應施與諸婆羅門於天

欲曉即持祀餘求婆羅門欲以施之遇值於

佛尔時世尊聞其行聲即發却覆聲欬出聲

此婆羅門既見佛已而作是言此非婆羅門

乃是剃髮道人尋欲迴還復作是念夫剃髮

者不必沙門婆羅門中亦有剃髮我當至彼

問其因緣所生種姓時婆羅門即至佛所問

訊言汝生何處為姓何等

尔時世尊以偈答言

不應問生處

宜問其所行

微木能生火

卑賤生賢達

亦生善調伏

慚愧為善行

精勤自調順

度韋陀彼岸

定意收其心

具足修梵行

晨朝應施與

祠祀之遺餘

汝今婆羅門

若欲修福田

宜當速施與

如是善丈夫

時婆羅門說偈答曰

今我遇善祀

此處真祠火

我今觀察汝

實度韋陀岸

昔來祠祀殘

每施與餘人

未曾得如汝

勝妙可施處

婆羅門即以此食奉上世尊佛不為受即說

偈言

先無惠施情

施法而後與

如斯之飲食

不應為受取

常法封如是

故我不應食

所以不受者

為說法偈故

現諸大人等

盡滅於煩惱

應以眾飲食

種種供養之

欲求福田者

斯處應施與

若欲為福者

息五

十六

我即是福田

時婆羅門重白佛言今我此食當施與誰佛

言我不見世間沙門婆羅門若天若魔若梵

能受是食正理消化無有是處佛言宜置于

彼無蟲水中時婆羅門受佛教已即持置彼

無蟲水中烟燄俱起渾渾作聲時婆羅門見

是事已生大驚怖身毛為豎以驚懼故更採

取薪以用祀火

尔時世尊即到其所而說偈言

汝齊整薪然

謂為得清淨

薄福無智人

乃然於外火

婆羅門應當

棄汝所然火

宜修內心火

熾然不斷絕

增廣如是火

斯名為真祀

數數生信施

汝應如是祀

汝今憍慢重

非車所能載

瞋毒猶如烟

亦如油投火

舌能熾惡言

心為火伏藏

不能自調順

云何名丈夫

若以信為河

戒為律濟渡

如彼清淨水

善人之所讚

若入信戒洗

即汝毗陀呪

能滅眾惡相

得度于彼岸 以法用為池 瞿曇真濟渡
 清潔之淨水 善丈夫所貴 諸能洗浴者
 毗陀功德人 身體不汗濕 得度于彼岸
 實語調諸根 隱藏於三業 具修於梵行
 忍慚愧最上 信向質直人 斯是法洗浴
 是故汝今者 應當如是知

息五

十七

時婆羅門聞佛所說棄事火具即起禮佛合
 掌白言唯願聽我於佛法中出家受具得為
 比丘入於佛法修于梵行佛即聽許令得出
 家受具足戒時彼尊者勤修剋已專精獨一
 樂于閑靜離於放逸不樂親近出家在家所
 以者何此族姓子剃除鬚髮被於法衣正信
 出家為修無上梵行現在知見自身證故時
 此比丘修集定慧得羅漢果盡諸有漏梵行
 已立所作已辦不受後有
 如是我聞一時佛在舍衛國祇樹給孤獨園
 尔時有一髻髮婆羅突羅闍婆羅門往詣佛
 所問訊已訖在一面坐即說偈言

外髮悉被髻 內有髻髮不 世間髮所髻
 誰有能除者
 尔時世尊復說偈言
 明智堅立戒 心修於智慧 專精能勤學
 年少除髻髮
 時婆羅門復說偈言

外髮悉被髻 內有髻髮不 世間髮所髻
 誰能斷除者

尔時世尊復說偈言

眼耳鼻舌身 及與於意法 名色都無餘

心意盡滅處 若能如是者 斷除於髻髮

旃陀婆私吒 失牛講集處 天敬婆羅林

聚薪二孫陀 一髻髮為十 息五

別譯雜阿含經卷第五

拄杖上知戰慄下力鶴雀上音弊毗祭朽邁
 下莫反眼音震一匱乏上求吸許及特子郎鞍
 古憚徒旦劬勞上其蠅蜂下音峯反醒悟息上

井躡地存上音 荼毒徒上音 鬱漆中下側反 恬靜上徒反
 宴坐見上於反 稻穗音上 共耨如反音 蠅下反
 螿上音 雙反 懽悞反上音 振反音 貸反他音 鼯鼠反
 爍字煖反 篋反苦叶 植憚音常力反 娛反音 祛反丘居反 歎反苦
 反

別譯雜阿含經卷第六

失譯

息六

十六末

如是我聞一時佛在優樓頻螺聚落尼連河岸
 岸菩提樹下成佛未久尔時世尊獨坐思惟
 而作是念夫人無敬心不能恭順於其尊長
 不受教誨無所畏憚縱情自逸永失義利若

楊林

如是者眾苦纏集若人孝事尊長敬養畏慎
 隨順不逆所願滿足得大義利若如是者觸
 事安樂復作是念一切世間若天若人若天
 世界若人世界若魔世界若梵世界沙門婆
 羅門一切世間有生類中若有戒定慧解脫
 解脫知見勝於我者我當親近依止於彼供

養恭敬遍觀察已都不見於世間人天魔梵
 沙門婆羅門一切世間有勝於我戒定慧解
 脫解脫知見為我依止復作是念我所覺法
 我今應當親近供養恭敬誠心尊重何以故
 過去諸佛一切皆悉親近依止供養恭敬尊
 重斯法未來現在諸佛亦復親近依止斯法
 供養恭敬生尊重心我今亦當如過去未來
 現在諸佛親近依止供養恭敬尊重於法尔
 時梵主天王遙知世尊在優樓頻螺聚落尼
 連河岸菩提樹下而作是念觀察世間若天
 若人若魔若梵沙門婆羅門一切生類若有
 勝我戒定慧解脫解脫知見者我當依止然
 都不見有能勝我者又復觀察過去未來現
 在諸佛悉皆親近依止於法供養恭敬生尊
 重心我今亦當隨三世佛之所應作親近依
 止供養恭敬尊重於法時梵主天復作是念
 我當從此趣汝往到佛所時梵主天譬如壯
 士屈伸臂頃來至佛所白佛言世尊實如所